

Ո Ր Ո Շ ՈՒ Մ N 569/6
/վարչական տույժ նշանակելու մասին/

«02» հուլիսի 2020թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, ուսումնասիրելով Սեվետիկ Նադիրյանի /անձն. BA0358386, քաղաքացիություն՝ Վրաստանի Հանրապետություն/ կողմից մաքսային կանոնների խախտում կատարելու վերաբերյալ գործի նյութերը

Պ Ա Ր Զ Ե Ց Ի

ՀՀ քաղաքացի Սեվետիկ Նադիրյանի անվամբ 23.01.2020 թվականին Գոգավան-Պրիվոլնոյե մաքսային կետ-բաժնով Հայաստանի Հանրապետություն է ներմուծվել անձնական օգտագործման համար նախատեսված 2 փոքր պայուսակների մեջ տեղադրված թվով 50 հատ օձանելիք՝ չունենալով մաքսային սահմանով տվյալ ապրանքների տեղափոխման համար համապատասխան թույլտվություն:

Նշված ապրանքների խմբաքանակը նույն օրը հանձնվել է մաքսային մարմինների ժամանակավոր պահպանմանը, որից հետո ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնի 4-րդ բաժանմունքի մաքսային տեսուչ Ա. Հովհաննիսյանի կողմից 23.05.2020թ. կազմվել է ապրանքների և դրանց վերաբերյալ փաստաթղթերի արգելապահման արձանագրություն, այսինքն՝ նշված ապրանքները արգելանքի են վերցվել (արգելապահվել են) մաքսային մարմնի կողմից, իսկ ժամանակավոր պահպանության ժամկետի ավարտից հետո Սեվետիկ Նադիրյանը չի ներկայացրել մաքսային հսկողություն իրականացնելու համար անհրաժեշտ փաստաթղթեր, ինչի արդյունքում խախտվել է մաքսային հսկողություն իրականացնելու համար անհրաժեշտ փաստաթղթերը մաքսային մարմին ներկայացնելու պարտավորությունը:

Նշված փաստի առթիվ ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնի ավագ մ/տ իրավաբանի կողմից 23.06.2020 թվականին Սեվետիկ Նադիրյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ ՄՕ 194-րդ հոդվածի հատկանիշներով՝ հիմք ընդունելով Մաքսային միության մաքսային կանոնների խախտման վերաբերյալ գործերի վարույթներով նման խախտման հատկանիշներ մատնանշող բավարար տվյալների առկայության հանգամանքը:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև

ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Վարչական մարմինն արձանագրում է նաև, որ վարչական վարույթի շրջանակներում կողմի պատշաճ ծանուցումն ապահովելու նպատակով վերջինիս ՀՀ-ում հաշվառման կամ հաշվառումից դուրս գալու, ինչպես նաև վերջինիս անվամբ ՀՀ-ում գրանցված անշարժ գույքի առկայության վերաբերյալ գրություններ են ուղարկվել ՀՀ ոստիկանության ԱՎՎ և ՀՀ կադաստրի կոմիտե, սակայն հնարավոր չի դարձել պարզելու անձի գտնվելու վայրը, ուստի, վարչական մարմինը գործը քննել է իրավախախտի բացակայությամբ՝ հիմք ընդունելով ՀՀ ՄՕ 219 հոդվածի 2-րդ մասի իրավակարգավորումները:

Գնահատելով գործում եղած բոլոր ապացույցները, ներկայացված նյութերի ուսումնասիրության արդյունքում վարչական մարմինը հաստատված է համարում, որ Սեվեոիկ Նադիրյանը ՀՀ է ներմուծել ներմուծել թվով 50 հատ օձանեղի՝ հարդաջուր, որոնց ներմուծման, արտահանման և տարանցիկ փոխադրման համար թույլատրող փաստաթուղթ մաքսային մարմին չի ներկայացվել, չի իրականացվել նաև դրանց բացթողումը ապրանքների ժամանակավոր պահպանման ժամկետի ընթացքում:

Վերոնշյալի հաշվառմամբ վարչական մարմինը գալիս է այն եզրահանգման, որ սույն դեպքում առկա է մաքսային կանոնների խախտման փաստը, ուստի, ղեկավարվելով ՀՀ մաքսային օրենսգրքի 194-րդ, 206-րդ և վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով

Ո Ր Ո Շ Ե Ց Ի

1. Սեվեոիկ Նադիրյանին ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտման հատկանիշներով սահմանված կարգով ենթարկել վարչական պատասխանատվության՝ տուգանելով 50,000 ՀՀ դրամի չափով:

2. Որոշումը կայացնելուց հետո՝ եռօրյա ժամկետում, դրա օրինակը հանձնել Սեվեոտիկ Նադիրյանին:

3. Վարչական տույժ նշանակելու մասին մաքսային մարմինի որոշումը կարող է բողոքարկվել վերադաս մաքսային մարմին (պաշտոնատար անձին) այն կայացնելուց հետո՝ 10-օրյա ժամկետում կամ օրենքով սահմանված երկամսյա ժամկետում՝ դատարան:

4. Որոշումը կամավոր չկատարելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



Գ. ԴԱՐԲԻՆՅԱՆ